

## **RJEŠENJE**

**po Prijavi namjere koncentracije privrednog subjekta JP Elektroprivreda BiH d.d. Sarajevo i privrednog subjekta Rudnik mrkog uglja Abid Lolić d.o.o. Travnik - Bila, privrednog subjekta Rudnici Kreka u Tuzli d.o.o. Tuzla, privrednog subjekta Rudnik mrkog uglja Kakanj d.o.o. Kakanj, privrednog subjekta Rudnik mrkog uglja Zenica d.o.o. Zenica, privrednog subjekta Javno preduzeće Rudnik mrkog uglja Breza d.o.o. Breza, privrednog subjekta Javno preduzeće Rudnik uglja Gračanica d.o.o. Gornji Vakuf – Uskoplje i privrednog subjekta Javno preduzeće Rudnik mrkog uglja Đurđevik d.o.o. u Đurđeviku**

**Sarajevo,  
septembar 2009. godine**

Broj: 01-06-26-024-5-II/09  
Sarajevo, 30. septembra 2009. godine

Na osnovu člana 25. stav (1) tačka e), člana 42. stav (1) tačka d) u vezi sa čl. 12., 14., 16., 17. i 18. Zakona o konkurenciji («Službeni glasnik BiH», br. 48/05 i 76/07), a rješavajući po Prijavi namjere koncentracije privrednog subjekta Javno preduzeće Elektroprivreda BiH d.d. Sarajevo, Vilsonovo šetalište 15, 71000 Sarajevo, zaprimljenoj dana 30. jula 2009. godine broj: 01-06-26-024-II/09, Konkurencijsko vijeće, na 94. (devedesetčetvrtoj) sjednici održanoj dana 30. septembra 2009. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu eksploatacije uglja u Federaciji Bosne i Hercegovine, koja će nastati sticanjem kontrole, od strane privrednog subjekta Javno preduzeća Elektroprivreda BiH d.d. Sarajevo, Vilsonovo šetalište 15, 71000 Sarajevo nad privrednim subjektom Rudnik mrkog uglja Abid Lolić d.o.o. Travnik - Bila, Bila - Dolac Travnik, privrednim subjektom Rudnici Kreka u Tuzli d.o.o., Mije Keroševića Guje 1, Tuzla, privrednim subjektom Rudnik mrkog uglja Kakanj d.o.o. Kakanj, Alije Izetbegovića 17, Kakanj, privrednim subjektom Rudnik mrkog uglja Zenica d.o.o. Zenica, Stjepana Radića 2, Zenica, privrednim subjektom Javno preduzeće Rudnik mrkog uglja Breza d.o.o. Breza, Branilaca grada b.b. Breza, privrednim subjektom Javno preduzeće Rudnik uglja Gračanica d.o.o. Gornji Vakuf - Uskoplje, privrednim subjektom Javno preduzeće Rudnik mrkog uglja Đurđevik d.o.o. u Đurđeviku, Đurđevik bb, Živinice, preuzimanjem 100,0% vlasničkih udjela od Federacije Bosne i Hercegovine.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o Ź e n j e**

Konkurencijsko vijeće je zaprimilo, dana 30. jula 2009. godine pod brojem: 01-06-26-024-II/09, Prijavu namjere koncentracije (u daljem tekstu: Prijava), od privrednog subjekta Javno preduzeće Elektroprivreda BiH d.d. Sarajevo, Vilsonovo šetalište 15, 71000 Sarajevo (u daljem tekstu: Podnosilac prijave ili Elektroprivreda BiH) kojom privredni subjekt Elektroprivreda BiH namjerava steći kontrolu nad privrednim subjektom Rudnik mrkog uglja Abid Lolić d.o.o. Travnik - Bila, Bila - Dolac - Travnik (u daljem tekstu: RMU Abid Lolić Travnik - Bila), privrednim subjektom Rudnici Kreka u Tuzli d.o.o., Mije Keroševića Guje 1, Tuzla (u daljem tekstu: Rudnik Kreka Tuzla), privrednim subjektom Rudnik mrkog uglja Kakanj d.o.o. Kakanj, Alije Izetbegovića 17, Kakanj (u daljem tekstu: RMU Kakanj), privrednim subjektom Rudnik mrkog uglja Zenica d.o.o. Zenica, Stjepana Radića 2, Zenica (u daljem tekstu: RMU Zenica), privrednim subjektom Javno preduzeće Rudnik mrkog uglja Breza d.o.o. Breza, Branilaca grada

b.b. Breza (u daljem tekstu: RMU Breza), privrednim subjektom Javno preduzeće Rudnik uglja Gračanica d.o.o. Gornji Vakuf – Uskoplje (u daljem tekstu: RMU Gračanica Gornji Vakuf - Uskoplje), privrednim subjektom Javno preduzeće Rudnik mrkog uglja Đurđevik d.o.o. u Đurđeviku, Đurđevik bb, Živinice (u daljem tekstu: RMU Đurđevik), preuzimanjem 100,0% vlasničkih udjela od Federacije Bosne i Hercegovine.

Konkurencijsko vijeće uvidom u podnesenu Prijavu je utvrdilo da ista nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 95/06), te je zatražilo od Podnosioca prijave dopunu iste, u skladu sa članom 31. Zakona (akt broj: 01-06-26-024-1-II/09 od dana 14. avgusta 2009. godine).

Podnosilac prijave u skladu sa zahtjevom Konkurencijskog vijeća je dopunio Prijavu traženom dokumentacijom (podnesak broj: 01-06-26-024-2-II/08 od dana 24. avgusta 2009. godine).

Konkurencijsko vijeće je nakon provjere dostavljene dokumentacije utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 28. septembra 2009. godine broj: 01-06-26-024-3-II/09.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Predmetna Prijava je podnesena blagovremeno, u smislu člana 16. stav (1) Zakona, u vremenskom roku od 8 (osam) dana od dana zaključivanja ugovora učesnika predmetne koncentracije.

### ***1. Učesnici predmetne koncentracije***

Učesnici predmetne koncentracije su privredni subjekt Javno preduzeće Elektroprivreda BiH d.d. Sarajevo, privredni subjekt Rudnik mrkog uglja Abid Lolić d.o.o. Travnik - Bila, privredni subjekt Rudnik Kreka u Tuzli d.o.o., privredni subjekt Rudnik mrkog uglja Kakanj d.o.o. Kakanj, privredni subjekt Rudnik mrkog uglja Zenica d.o.o. Zenica, privredni subjekt Javno preduzeće Rudnik uglja Gračanica d.o.o. Gornji Vakuf - Uskoplje, privredni subjekt Javno preduzeće Rudnik mrkog uglja Breza d.o.o. Breza i privredni subjekt Javno preduzeće Rudnik mrkog uglja Đurđevik d.o.o. u Đurđeviku.

#### ***1.1. Privredni subjekt Elektroprivreda BiH***

Privredni subjekt Javno preduzeće Elektroprivreda Bosne i Hercegovine d.d. Sarajevo, Vilsonovo šetalište 15, 71000 Sarajevo (osnovano dana 30. avgusta 1945. godine) je upisan u registar Opštinskog suda u Sarajevu pod MBS 1-2758, sa upisanim osnovnim kapitalom od 3.035.436.900,00 KM.

Vlasnička struktura privrednog subjekta Elektroprivreda BiH, na dan 20. avgusta 2009. godine:

Tabela 1.

<b>R.b.</b>	<b>Dioničari</b>	<b>Broj dionica (%)</b>
1.	Vlada Federacije BiH (Ministarstvo, energetike, rudarstva i industrije)	90,0035
2.	IF "BIG-Investiciona grupa" d.d. Sarajevo	2,5553
3.	IF HERBOS FOND d.d. Mostar	0,9017
4.	IF "Prevent INVEST" d.d. Sarajevo	0,8840
5.	IF CROBIH FOND d.d. Mostar	0,7859

6.	IF "NAPRIJED" d.d. Sarajevo	0,5219
7.	IF "BONUS" d.d. Sarajevo	0,5130
8.	Ostali	3,8347
	UKUPNO	100,00

Izvor: Podaci iz Prijave - Registar vrijednosnih papira Federacije BiH

Privredni subjekt Elektroprivreda BiH ima podružnice u Federaciji Bosne i Hercegovine za proizvodnju, distribuciju i snabdijevanje električnom energijom - Hidroelektrane na Nertetvi, Jaroslava Černija 1, Jablanica; Termoelektrana Kakanj, Čatići, Kakanj; Termoelektrana Tuzla, 21. aprila 4, Tuzla; Elektrodistribucija Bihać, Bosanska 25, Bihać; Elektrodistribucija Mostar, Adema Buće 34, Mostar; Elektrodistribucija Tuzla, Zmaja od Bosne 49, Tuzla; Elektrodistribucija Zenica, Safet bega Bašagića 6, Zenica.

Pretežne registrovane djelatnosti privrednog subjekta Elektroprivreda BiH su proizvodnja i distribucija električne energije, snabdijevanje električnom energijom, trgovina, zastupanje i posredovanje na domaćem tržištu električne energije, izvoz i uvoz električne energije, proizvodnja električnih motora i opreme za distribuciju električne energije.

Privredni subjekt Elektroprivreda BiH ima vlasničke udjele u privrednim subjektima u Federaciji Bosne i Hercegovine:

Tabela 2.

R.b.	Privredni subjekt	Vlasnički udio
1.	Eldis tehnika d.o.o. Sarajevo	(..)** <sup>1</sup> %
2.	Hotel ELBIH d.d. sarajevo	(..)**%
3.	Iskraemeco Sarajevo d.o.o.	(..)**%
4.	ETI Sarajevo d.o.o.	(..)**%

Izvor: Podaci iz Prijave

Privredni subjekti (Tabela 2.) u kojima privredni subjekt Elektroprivreda BiH ima vlasničke udjele, na relevantnom tržištu eksploatacije uglja.

### ***1.2. Privredni subjekt Rudnik mrkog uglja Abid Lolić d.o.o. Travnik – Bila***

Privredni subjekt Rudnik mrkog uglja Abid Lolić d.o.o. Travnik - Bila, Bila - Dolac Travnik upisan u registar kantonalnog suda u Travniku, dana 27. maja 1999. godine (rješenje broj: U/I-482/99) pod MBS 51-01-0336-08 (stari broj: 1-2528), u 100,0% vlasništvu je Federacije Bosne i Hercegovine, sa upisanim osnovnim kapitalom od 1.097.457,00 KM.

Pretežne registrovane djelatnosti privrednog subjekta RMU Abid Lolić Travnik - Bila su vađenje i briketiranje mrkog uglja, vađenje ukrasnog kamena, kamena za građevinarstvo, šljunka i pijeska.

### ***1.3. Privredni subjekt Rudnik Kreka Tuzli d.o.o.***

Privredni subjekt Rudnici Kreka u Tuzli d.o.o., Mije Keroševića Guje 1, Tuzla, upisan u registar Kantonalnog suda u Tuzli dana 19. januara 2001. godine (rješenje broj: U/I-5849/00) pod MBS 1-11982, u 100,0% vlasništvu je Federacije Bosne i Hercegovine, sa upisanim osnovnim kapitalom 292.355.353,57 KM.

<sup>1</sup> (..)\*\* Podaci predstavljaju poslovnu tajnu, u smislu člana 38. Zakona

Pretežne registrovane djelatnosti privrednog subjekta Rudnici Kreka Tuzla su vađenje i briketiranje mrkog uglja, vađenje ukrasnog kamena, kamena za građevinarstvo, šljunka i pijeska, vađenje ostalih ruda i kamena.

#### ***1.4. Privredni subjekt Rudnik mrkog uglja Kakanj d.o.o. Kakanj***

Privredni subjekt Rudnik mrkog uglja Kakanj d.o.o. Kakanj, Alije Izetbegovića 17, Kakanj, registrovan kod Opštinskog suda u Zenici dana 5. avgusta 1999. godine, pod MBS 43-01-0538-08 (stari broj 1-7871), u 100,0 vlasništvu je Federacije Bosne i Hercegovine, sa upisanim osnovnim kapitalom od 5.545.601,43 KM.

Pretežne registrovane djelatnosti privrednog subjekta RMU Kakanj su vađenje i briketiranje mrkog uglja, vađenje ukrasnog kamena, kamena za građevinarstvo, šljunka i pijeska.

#### ***1.5. Privredni subjekt Rudnik mrkog uglja Zenica d.o.o. Zenica***

Privredni subjekt Rudnik mrkog uglja Zenica d.o.o. Zenica, Stjepana Radića 2, Zenica upisan u sudski registar u Opštinskom sudu u Zenici dana 30. decembra 1996. godine pod MBS 1-7870, u 100,0 vlasništvu je Federacije Bosne i Hercegovine.

Pretežne registrovane djelatnosti privrednog subjekta RMU Zenica su vađenje i briketiranje mrkog uglja.

#### ***1.6. Privredni subjekt Javno preduzeće Rudnik mrkog uglja Breza d.o.o. Breza***

Privredni subjekt Javno preduzeće Rudnik mrkog uglja Breza d.o.o. Breza, Branilaca grada b.b. Breza (osnovan u 1907. godini), registrovan kod Opštinskog suda u Zenici pod MBS 43-01-0413-08 (stari broj: 1-7872), u 100,0% vlasništvu je Federacije Bosne i Hercegovine, sa upisanim osnovnim kapitalom od 13.334.420,00 KM.

Pretežne registrovane djelatnosti privrednog subjekta RMU Breza su vađenje i briketiranje mrkog uglja, vađenje ukrasnog kamena, kamena za građevinarstvo, šljunka i pijeska.

#### ***1.7. Privredni subjekt Javno preduzeće Rudnik uglja Gračanica d.o.o. Gornji Vakuf-Uskoplje***

Privredni subjekt Javno preduzeće Rudnik uglja Gračanica d.o.o. Gornji Vakuf - Uskoplje, Humac bb, registrovan kod Opštinskog suda u Travniku pod MBS 1-2529, u 100,0% vlasništvu je Federacije Bosne i Hercegovine, sa upisanim osnovnim kapitalom od 28.789.356,00 KM.

Pretežne registrovane djelatnosti privrednog subjekta RMU Gračanica Gornji Vakuf - Uskoplje su vađenje i briketiranje lignita, vađenje ukrasnog kamena, kamena za građevinarstvo, šljunka i pijeska.

#### ***1.8. Privredni subjekt Javno preduzeće Rudnik mrkog uglja Đurđevik d.o.o. u Đurđeviku***

Privredni subjekt Javno preduzeće Rudnik mrkog uglja d.o.o. u Đurđeviku, Đurđevik bb, Živinice, upisan u registar Kantonalnog suda u Tuzli dana 19. januara 2001. godine (rješenje broj: U/I-5870/00) pod MBS 1-11983, u 100,0 vlasništvu je Federacije Bosne i Hercegovine, sa upisanim osnovnim kapitalom od 19.341.246,64 KM.

Pretežne registrovane djelatnosti privrednog subjekta RMU Đurđevik su vađenje i briketiranje mrkog uglja.

## **2. Obaveza prijave namjere predmetne koncentracije**

Obaveza prijave namjere koncentracije privrednih subjekata, u smislu odredbe člana 14. stav (1) tačka b) Zakona, postoji ako ukupni godišnji prihodi najmanje dva učesnika koncentracije ostvareni prodajom roba i/ili usluga na tržištu Bosne i Hercegovine, iznose preko 5.000.000,00 KM, po završnom računu u godini koja je prethodila predmetnoj koncentraciji.

Ukupni godišnji prihodi privrednih subjekata učesnika predmetne koncentracije, na dan 31. decembra 2008. godine, iznose:

Tabela 3.

<b>R.b.</b>	<b>Privredni subjekt</b>	<b>Ukupan godišnji prihod</b>
1.	Elektroprivreda BiH	(..)** KM
2.	RMU Abid Lolić Travnik - Bila	(..)** KM
3.	Rudnici Kreka Tuzla	(..)** KM
4.	RMU Kakanj	(..)** KM
5.	RMU Zenica	(..)** KM
6.	RMU Breza	(..)** KM
7.	RMU Gračanica Gornji Vakuf - Uskoplje	(..)** KM
8.	RMU Đurđevik	(..)** KM
	Ukupno (od 2 do 8)	309.187.519,00 KM

Izvor: Podaci iz Prijave

Konkurencijsko vijeće je utvrdilo, u smislu člana 14. stav (2) Zakona, da prosječan godišnji prihod učesnika koncentracije (rudnika) iznosi 5.335.693,18 KM, nakon odbijanja prihoda koji su ostvareni u međusobnoj razmjeni sa privrednim subjektom Elektroprivreda BiH (na osnovu analize podataka iz Tabela 3. i 4.).

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnike koncentracije, na svjetskom i na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriteriji za ocjenu koncentracija privrednih subjekata.

Budući da su privredni subjekti učesnici koncentracije ispunili uslove, u smislu člana 14. stav (1) tačka b) Zakona, u pogledu zajedničkog ukupnog godišnjeg prihoda, obavezni su podnijeti Prijavu.

## **3. Pravni okvir ocjene predmetne koncentracije**

Konkurencijsko vijeće u provedbi postupka ocjene dopuštenosti predmetne koncentracije je primijenilo odredbe Zakona, Odluke o utvrđivanju relevantnog tržišta («Službeni glasnik BiH», broj 18/06), te Odluke o načinu podnošenja prijave i kriterija za ocjenu koncentracija privrednih subjekata.

Konkurencijsko vijeće, na osnovu člana 43. stav (7) Zakona, je koristilo sudsku praksu Evropskog suda i odluke Evropske komisije, i to: Direktivu 2003/54/EZ (od dana 26. juna 2003. godine) o zajedničkim pravilima za unutrašnje tržište električne energije i Smjernica prema direktivi Vijeća Br. 139/2004 o kontroli koncentracije između privrednih subjekata (OJ C 56 10/07/2007).

#### **4. Pravni osnov i oblik predmetne koncentracije**

Pravni osnov predmetne koncentracije, propisan je članom 16. stav (1) Zakona, a u vezi sa članom 30. stav (1) tačka a) Zakona i članom 8. tačka f) alineja 3. Odluke o načinu podnošenja prijave i kriterijiji za ocjenu koncentracija privrednih subjekata.

Prema navedenim odredbama pravni osnov predmetne koncentracije je sedam Ugovora o istupanju osnivača iz društva i prenosu cjelokupnog udjela na novog osnivača ( u daljem tekstu: Ugovori) koji pristupa društvu zaključenih, dana 24. jula 2009. godine u Sarajevu (broj: OPU-IP: 423/09 - Rudnik mrkog uglja Abid Lolić d.o.o. Travnik - Bila, Bila - Dolac,Tavnik; OPU-IP: 424/09 - Rudnik Kreka u Tuzli d.o.o.,Mije Keroševića Guje 1, Tuzla; OPU-IP:425/09 - Rudnik mrkog uglja Kakanj d.o.o. Kakanj, Alije Izetbegovića 17, Kakanj; OPU-IP:426/09 - Rudnik mrkog uglja Zenica d.o.o. Zenica, Stjepana Radića 2, Zenica; OPU-IP: 427/09 - Javno preduzeće Rudnik mrkog uglja Breza d.o.o. Breza; broj: OPU-IP: 428/09 - Javno preduzeće Rudnik uglja Gračanica d.o.o. Gornji Vakuf - Uskoplje; OPU-IP: 429/09 - Javno preduzeće Rudnik mrkog uglja Đurđevik d.o.o. u Đurđeviku, Đurđevik bb, Živinice), između Federacije Bosne i Hercegovine, zastupane po Mustafi Mujezinović, premijeru Vlade Federacije Bosne i Hercegovine (osnivač koji istupa iz društva /rudnika) i privrednog subjekta Javno preduzeće Elektroprivreda BiH d.d. Sarajevo (osnivač koji pristupa u društvo /rudnicima) zastupanog po Ameru Jagličić, generalnom direktoru i Nihadu Kadić, izvršnom direktoru za proizvodnju.

Na osnovu predmetnih Ugovora privredni subjekt Elektroprivreda BiH namjerava od Federacije Bosne i Hercegovini preuzeti 100,0 vlasničkih udjela u svih sedam predmetnih rudnika.

Prije potpisivanja predmetnih Ugovora Vlada Federacije Bosne i Hercegovine na sjednici održanoj dana 14. januara 2009. godine je donijela Odluku o prenosu udjela Federacije Bosne i Hercegovine u rudnicima uglja na Javno preduzeće Elektroprivreda BiH d.d. Sarajevo («Službene novine Federacije BiH», broj 4/09). Predmetna Odluka je donesena u skladu sa Zakonom o finansijskoj konsolidaciji rudnika uglja u Federaciji Bosne i Hercegovini prema obračunatim, a ne uplaćenim javnim prihodima u razdoblju od 2009. godine do 2015. godine («Službene novine Federacije BiH», broj 81/08), Akcionim planom Federacije Bosne i Hercegovine za prestrukturiranje i privatizaciju elektroenergetskog sektora u Bosni i Hercegovini («Službene novine Federacije BiH», broj 31/05) i Akcionim planom prestrukturiranja i modernizacije rudnika uglja u Federaciji Bosne i Hercegovine.

Nadalje, privredni subjekt Elektroprivreda BiH na dvanaestoj Skupštini dioničara Društva održanoj dana 12. maja 2009. godine, na osnovu predmetne Odluke Vlade Federacije Bosne i Hercegovine je donio Odluku o preuzimanju udjela Federacije Bosne i Hercegovine u privrednim subjektima - rudnicima uglja Federacije Bosne i Hercegovine, broj: SD-12-9330-3/09.

Na osnovu navedenoga, a u skladu sa članom 12. stav (1) tačka b) pod 1) Zakona, pravni oblik koncentracije predstavlja sticanje većine udjela privrednog subjekta Elektroprivreda BiH u sedam rudnika uglja u Federaciji Bosne i Hercegovine, koji su bili u vlasništvu Federacije Bosne i Hercegovine.

#### **5. Relevantno tržište predmetne koncentracije**

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne karakteristike, kvalitet, uobičajnu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuju od uslova tržišne konkurencije na susjednim geografskim tržištima.

Relevantno tržište proizvoda predmetne koncentracije je tržište eksploatacije uglja.

Relevantno tržište u geografskom smislu predmetne koncentracije je tržište Federacije Bosne i Hercegovine.

Prema navedenom, relevantno tržište predmetne koncentraciji je tržište eksploatacije uglja u Federaciji Bosne i Hercegovine.

Ukupna proizvodnja uglja od strane učesnika koncentracije i isporuka uglja Elektroprivredi BiH, u 2008. godini:

Tabela 4.

R.b.	Privredni subjekt	Ukupna proizvodnja	Isporuka Elektroprivredi BiH	% isporuke Elektroprivredi BiH
1.	RMU Abid Lolić Travnik - Bila	(..)**tona	(..)**tona	(..)**
2.	Rudnici Kreka Tuzla	(..)**tona	(..)**tona	(..)**
3.	RMU Kakanj	(..)**tona	(..)**tona	(..)**
4.	RMU Zenica	(..)**tona	(..)**tona	(..)**
5.	RMU Breza	(..)**tona	(..)** tona	(..)**
6.	RMU Gračanica Gornji Vakuf - Uskoplje	(..)**tona	(..)** tona	(..)**
7.	RMU Đurđevik	(..)**tona	(..)**tona	(..)**
	U K U P N O	5.134.369,00 tona	4.514.184 tona	87,92

Izvor. Podaci iz Prijave

Prema podacima iz Prijave privredni subjekt Elektroprivreda BiH, pored navedenih privrednih subjekata učesnika koncentracije (rudnika), kupovao je ugalj (u 2008. godini) i od drugih privrednih subjekata u Bosni i Hercegovini (koji nisu učesnici koncentracije), i to:

Tabela 5.

R.b.	Privredni subjekt	Isporuka Elektroprivredi BiH	% u ukupnoj potrošnji Elektroprivrede BiH
1.	RMU Banovići	(..)**tona	(..)**
2.	RMU Tušnica Livno	(..)**tona	(..)**
3.	RMU Stanari Doboj	(..)**tona	(..)**
	U K U P N O	1.215.609,62 tona	21,1

Izvor: Podaci u Prijavi

Prema podacima iz Prijave privredni subjekt Elektroprivreda BiH u 2008. godini je potrošio ukupno 5.729.793,62 tona uglja (Tabele 4. i 5.) za proizvodnju električne energije u termokapacitetima, od toga privredni subjekti (rudnici) učesnici koncentracije su isporučili ukupno 78,9%, odnosno 4.514.184,00 tona, a ostali rudnici ukupno 21,1%, odnosno 1.215.609,00 tona uglja.



Rudnici uglja na teritoriji Bosne i Hercegovine tokom 2008. godine proizveli su ukupno 10.996.818,00 tona mrkog uglja i lignita, odnosno rudnici uglja (ukupno devet) na području Federacije Bosne i Hercegovine su proizveli ukupno od 6.709.300,00 tona, a rudnici u Republici Srpskoj (ukupno tri) 4.287.518,00 tona.

## **6. Ocjena predmetne koncentracije**

Prilikom ocjene predmetne koncentracije Konkurencijsko vijeće je uzelo u obzir i Elaborat «Koncept buduće organizacije JP Elektroprivreda BiH d.d Sarajevo» usvojen od strane Nadzornog odbora privrednog subjekta Elektroprivreda (dana 17. jula 2008. godine broj: NO-10-12800-6/08) ( u daljem tekstu: Elaborat), kojim se usklađuje organizacija privrednog subjekta Elektroprivreda BiH sa ciljem boljeg pozicioniranja na tržištu jugoistočne Evrope, i koji se zasniva na Direktivi Evropske unije broj 2003/54/EZ i odredbama Ugovora o formiranju Energetske zajednice zaključen između Evropske unije i zemalja jugoistočne Evrope («Službeni glasnik BiH - Međunarodni ugovori», broj: 9/06).

Predmetni Elaborat predviđa da se privredni subjekt Elektroprivreda BiH organizuje kao Elektroprivreda BiH Grupa, koju bi činili privredni subjekti Elektroprivreda BiH, kao vladajuće društvo i zavisna društva (koja uključuju i rudnike) koja bi se osnovala prema elektroprivrednim djelatnostima i bila u vlasništvu vladajućeg društva.

Također, predmetni Elaborat se zasniva na Akcionom planu prestruktuiranja i modernizacije rudnika uglja u Federaciji Bosne i Hercegovine, kojem je svrha postizanje održive proizvodnje uglja, sa ciljem smanjenja kupovne cijena domaćeg uglja, kako bi i proizvodnja električne energije iz uglja bila konkurentnija na domaćem i inostranom tržištu.

Nadalje, provođenjem predmetne koncentracije osigurava se privrednom subjektu Elektroprivreda BiH stabilna proizvodnja električne energije i iz termoenergetskih-kapaciteta, dugoročno i kvalitetno osiguravanje sirovinske osnove za termoenergetske kapacitete, kao i povoljnije cijene uglja od sadašnjih, izgradnju novih termo-kapaciteta što treba omogućiti optimalnu proizvodnju u smislu kombinovanja termo i hidro proizvodnje električne struje, što će osigurati i povećanje proizvodnje i godišnjih prihoda. Također, ove aktivnosti trebaju osigurati restruktuisanje rudnika i poslovanje istih bez gubitaka, odnosno efikasnije poslovanja i znatno bolje radne i životne uslove zaposlenih.

Konkurencijsko vijeće je utvrdilo da je najveći dio proizvodnje mrkog uglja i lignita u Federaciji Bosne i Hercegovine u 2008. godini, ostvarene od strane privrednih subjekata učesnika koncentracije (Tabela 4.), isporučen privrednom subjektu Elektroprivreda BiH, dok je ostatak isporučen na druga tržišta, odnosno drugim potrošačima (drugoj industriji i širokoj potrošnji), te predmetnom koncentracijom (i odredbama potpisanih Ugovora) neće doći do značajnije promjeni u strukturi isporuke uglja.

Također, Konkurencijsko vijeće je utvrdilo da će nakon provedene predmetne koncentracije u Federaciji Bosne i Hercegovine djelovati privredni subjekti /rudnici koji neće biti u sastavu privrednog subjekta Elektroprivreda BiH (privredni subjekt Rudnik Banovići i privredni subjekt Rudnik Tušnica Livno itd), i koji će nastaviti poslovnu saradnju sa privrednim subjektom Elektroprivreda BiH, odnosno isporučivati uglj i za ostalu industriju i široku potrošnju.

Nadalje, Konkurencijsko vijeće analizom relevantnih podataka, u smislu člana 17. Zakona, ocjenilo je da namjeravana koncentracija predstavlja vertikalnu koncentraciju i da provođenjem

iste neće doći do stvaranja ili jačanja dominantnog položaja privrednog subjekta Elektroprivreda BiH na relevantnom tržištu eksploatacije uglja u Federaciji Bosni i Hercegovini, budući da su predmetni rudnici prije provođenja predmetne koncentracije u velikoj mjeri svoje proizvodnje bili orjentisani na poslovnu saradnju sa privrednim subjektom Elektroprivreda BiH, te da ista neće sprečavati, ograničavati ili narušavati tržišnu konkurenciju na relevantnom tržištu.

Nakon provedene koncentracije privredni subjekt Elektroprivreda BiH dužan je poštivati odredbe Zakona u poslovnoj saradnji i postupanjima sa privrednim subjektima /rudnicima, koji nisu u organizacionoj strukturi istoga, a koji djeluju na relevantnom tržištu eksploatacije uglja u Federaciji Bosne i Hercegovine, odnosno Bosne i Hercegovine.

Slijedom navedenoga, Konkurencijsko vijeće je odobrilo predmetnu koncentraciju, u smislu člana 18. stav (2) tačka a) Zakona, kako je navedeno u dispozitivu ovog Rješenja.

#### **7. Administrativna taksa**

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

#### **8. Pouka o pravnom lijeku**

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovoga Rješenja.

**Predsjednik**

**dr. Stjepo Pranjić**